

Ispravne misli

U ovom specijalnom istorijskom periodu, slanje ispravnih misli Dafa učenika igra jednu veoma odlučujuću ulogu za smanjivanje progona Dafa, Dafa učenika i ljudi na svijetu od strane zlih bića. Još prije nego što pristigne snaga Fa ispravljanja, zlo je u velikim količinama bilo pravovremeno odstranjeno, tako da su mnogi gubici mogli biti izbjegnuti. Ali zlo je već vidjelo svoju propast i tako se ponaša sve bezumnije. Dafa učenici su već postali jedina nada za spas svih bića. Da bi Fa-ispravljanje efektivnije djelovalo, trebate prilikom objašnjavanja istine obavezno pridavati važnost slanju ispravnih misli i pravovremeno odstraniti zlo i sopstvene probleme, da bi izbjegli da zlo iskoristi vaše propuste. Trenutno, još ima nekih praktikanata, koji nisu shvatili suštinu slanja ispravnih misli, neki praktikanti se pri tome nalaze tačno u istom stanju, kao kod meditacijske vježbe - čak i kad samo rade meditacijsku vježbu, neki praktikanti su u jednom pospanom stanju, oni su u stanju, u kojem im misli nisu dovoljno budne, ili su u stanju u kojem im jako smetaju raznorazne misli, tako da ne mogu ostvariti dobro dejstvo. Postoje također neki učenici koji, kada šalju ispravne misli, u svojim mislima posebno ciljaju na jedan ili nekoliko zlih elemenata i to spriječava gong i božanske moći, koje oni emitiraju, da imaju maksimalno dejstvo. Naravno, ako su okolnosti posebne i ti ciljaš na jedno zlo biće ili nekoliko zlih bića, kada šalješ ispravne misli, bilo sam ili u grupi, onda je to nešto što trebaš uraditi i koncentrirana snaga je ogromna. Ali kada normalno zajedno šalžete ispravne misli svaki dan, trebate goniti i naći zlo u većim okvirima. Vi ne bi trebali svaki put ciljati na jedno ili nekoliko zlih bića.

Evo kako to treba raditi: (1) Ti trebaš koncentrirati svoju pažnju i napor, tvoj um treba biti apsolutno jasan i razuman. Snaga misli treba biti koncentrirana i jaka, ona treba imati snagu, da uništi sve zlo u kosmosu, s predstavom da smo mu nadređeni. (2) Učenici, koji privremeno još ne mogu vidjeti druge dimenzije, trebaju koncentrirati snagu misli i jednom recitirati riječ Mie* (灭), nakon što su recitali formule. Riječ Mie (灭) treba biti tako snažna, da je velika kao kosmičko tijelo, obuhvaćajući sve u svim dimenzijama i ništa ne izostavljajući. (3) Učenici, koji mogu vidjeti zla bića u drugim dimenzijama, mogu djelovati odgovarajući situaciji koju su spoznali. Njihove ispravne misli trebaju biti jake i oni trebaju u potpunosti iskoristiti svoju mudrost. Jedna ispravna misao sama već može zakočiti stotinu zlih stvari. (4) Prilikom slanja ispravnih misli dejstvo je isto, svejedno da li su oči otvorene ili zatvorene. Ako su oči otvorene, čovjek vidi sve u dimenziji svakodnevnih ljudi, ali to stvarno ne registrira.

Kod slanja ispravnih misli površina treba ostati mirna, bez obzira koliko stvari mogu postati intezivne. Osobito na poslu ili na određenim mjestima ne moramo napraviti gestu sa uspravljenom rukom, dejstvo je isto. Ako čovjek sačuva jake ispravne misli i u mislima se

koncentrira, može postići tačno isto dejstvo. Ali pod normalnim uslovima, treba uspraviti ruku i uraditi lotus gestu.

Neka snažne ispravne misli Dafa učenika dođu do punog izražaja, da bi se smanjili gubici i da bi se spasila sva živa bića. Pokažite svoje snažne vrline!

Li Hongzhi

13.10.2002.

**) Napomena: Riječ "mie" je posljednja riječ u jednoj od formula, i znači "otklonjeno", "eliminirano", "očišćeno", itd. Izgovara se: "Mije".*

prijevod na bosanski, Sub 11 06 01:00:00 CET 2004